

НЕДЕЛЯ ФОМИНА

ВЕЧЕРНЯ

Моли́твами святы́х оте́ц на́ших, Го́споди Иису́се Христе́, Бо́же наш, поми́луй нас.

Христо́с воскресе́ из ме́ртвых, сме́ртию смерть попра́в и сущим во гробéх живо́т дарова́в. Трижды.

ПСАЛО́М 103

Стихи́ избра́ннии: Благосло́ви, душе́ моя́, Го́спода. Благословéн еси́, Го́споди. Го́споди, Бо́же мой, возвели́чился еси́ зело́. Благословéн еси́, Го́споди. Во испове́дание и в велеле́поту облéклся еси́. Благословéн еси́, Го́споди. Посреде́ гор про́йдут во́ды. Дивна́ дела́ Твоя́, Го́споди. Вся премудрости́ю сотвори́л еси́. Сла́ва Ти, Го́споди, сотвори́вшему вся.

Сла́ва, и ны́не:

Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, поми́луй. 12.

Сла́ва, и ны́не:

Стихи́ избра́ннии пе́рвыя кафисмы:

Блаже́н муж, и́же не и́де на сове́т нечестивых. Аллилу́иа, трижды.

Я́ко весть Госпо́дь путь пра́ведных, и путь нечестивых поги́бнет. Аллилу́иа, трижды.

Рабо́тайте Госпо́деви со стра́хом и ра́дуйтесь Ему́ с трéпетом. Аллилу́иа, трижды.

Блаже́ни вси наде́ющиися Нань. Аллилу́иа, трижды.

Воскресни́, Го́споди, спаси́ мя, Бо́же мой. Аллилу́иа, трижды.

Госпо́дне есть спасéние, и на лю́дех Твои́х благослове́ние Твое́. Аллилу́иа, трижды.

Сла́ва, и ны́не: Аллилу́иа, аллилу́иа, аллилу́иа, сла́ва Тебе́, Бо́же. Трижды.

Го́споди, поми́луй. Трижды.

Сла́ва, и ны́не:

И а́бие

ГОСПОДИ, ВОЗВА́Х, ГЛАС 1-й.

Го́споди, возва́х к Тебе́, услы́ши мя. Услы́ши мя, Го́споди.

Го́споди, возва́х к Тебе́, услы́ши мя: вонми́ гла́су молéния моего́, внегда́ возва́ти ми к Тебе́. Услы́ши мя, Го́споди.

Да испра́вится моли́тва моя́, я́ко кади́ло пред Тобо́ю, воздея́ние руку́ мое́ю — жéртва ве́черняя. Услы́ши мя, Го́споди.

На 6: Аще беззаконія на́зриши, Гóсподи, Гóсподи, кто посто́йт? Я́ко у Тебе́ очище́ние есть.

Двѣрем заключѣнным, ученикомъ собраннѣм, вшел еси́ внезапу́ всесильне́ Иисусе́, Бóже наш, и став посреде́ их мир дав, испóлнил еси́ Свята́го Дúха, ждáти же повелѣл еси́, и ника́коже разлучáтися от Иерусали́ма, дóндеже облекúтся э́же с высоты́ силою. Тѣмже вопиѣм Ти: просвещѣние и воскресѣние и мѣре наш, сла́ва Тебе́.

Имене́ ра́ди Твоего́ потерпѣх Тя, Гóсподи, потерпѣ душа́ моя́ в сло́во Твое́, упова́ душа́ моя́ на Гóспода.

По днѣх осми́х востáния Твоего́, Гóсподи, явѣлся еси́ ученикомъ Твоѣм на мѣсте, иде́же бѣху со́брани, и возгласѣв им: мир вам, неvéрующему ученику́ рúце показáл еси́, и пречѣистое ребро́. Он же véровав вопи́яше Тебе́: Господь мой и Бог мой, сла́ва Тебе́.

На 4: От стра́жи úтренния до но́щи, от стра́жи úтренния да упова́ет Изра́иль на Гóспода.

Фомá, глаго́лемый Близнѣц, не бе с ними, егда́ вшел еси́, Христѣ́, заключѣнным двѣрем, тѣмже и не véроваше речѣнным ему́, от неvéрия в véру извествúя. Не несподóбил же еси́, Бла́же, показáти ему́ пречѣистое ребро́ Твое́, и руку́ и ногу́ я́звы. Он же осязáв и вѣдев, исповѣда Тебе́ бѣти Бóга не на́га, и Челове́ка не прóста, и вопи́яше: Господь мой и Бог мой, сла́ва Тебе́.

Я́ко у Гóспода мѣлость, и мно́гое у Него́ избавлѣние, и Той избáвит Изра́иля от всех беззакóний его́.

Ученикомъ сомня́щимся, во осми́й день предста́ Спас, иде́же бѣху со́брани, и мир дав, Фомѣ́ возопи́: прииди́, апóстоле, осяжи́ длáни, в нихже́ гвóздя вонзóша. О дóброе неvéрие Фомино́, véрных серде́цá в познáние приведѣ́, и со стра́хом возопи́: Господь мой и Бог мой, сла́ва Тебе́.

Глас 2:

На 2: Хвалите́ Гóспода вси язы́цы, похвалите́ Его́ вси лю́дие.

По востáнии Твоѣм, Гóсподи, собраннѣм ученикомъ Твоѣм и двѣрем заключѣнным, посреде́ стал еси́, мир пода́й им. Véровав же и Фомá зрѣнием руку́ и ребр Твоѣх, Гóспода и Бóга Тя исповѣда, спаса́ющаго упова́ющия на Тя, Человеколю́бче.

Я́ко утверди́ся мѣлость Его́ на нас, и ѣстина Господня́ пребывáет во век.

Двѣрем заключѣнным, предста́в Иисус ученикомъ, безстра́шие и мир да́яше, та́же глаго́лет Фомѣ́: почтó Мне не véруеши, я́ко воскресóх из мѣртвых? Принеси́ се́мо рúку твою́, и вложи́ в рѣбра Мо́я, и виждь. Тебе́ бо неvéрующу, вси

навыкоша страсти и воскресение Моё звати с тобою: Господь мой и Бог мой, слава Тебе.

Слава, и ныне, глас 6:

Дверем заключенным, пришел еси, Христе, ко учеником, тогда Фома смотрительно не обретется с ними. Глаголаше бо: не иму веры, аще не увижду и аз Владыки. Увижду ребро, отонудуже изыде кровь, вода, крещение. Увижду язву, от неяже исцелё великий струп человеческий. Увижду, како не бе, якоже дух, но плоть и кости. Смерть поправый и Фому уверивый, Господи, слава Тебе.

СВЕТЕ ТИХИЙ

Свете тихий святыя славы, Безсмертнаго, Отца Небеснаго, Святаго Блаженнаго, Иисусе Христе. Пришедше на запад солнца, видевши свет вечерний, поем Отца, Сына и Святаго Духа, Бога. Достойн еси во вся времена пет быти гласы преподобными, Сыне Божий, живот дай, темже мир Тя славит.

ПРОКИМЕН, ГЛАС 6:

Господь воцарися, в лепоту облечеса.

Стих: Облечеса Господь в силу и препоясая.

Господь воцарися, в лепоту облечеса.

Стих: Ибо утверди вселенную, яже не подвижится.

Господь воцарися, в лепоту облечеса.

Стих: Дому Твоему подобаёт святыня, Господи, в долготу дней.

Господь воцарися, в лепоту облечеса.

Господи, помилуй. 40.

Слава, и ныне:

СПОДОБИ, ГОСПОДИ

Сподоби, Господи, в вечер сей без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святый, просвети мя оправданием Твоим.

Господи, милость Твоя во век, дел руку Твоею не презри. Тебе подобаёт хвала. Тебе подобаёт пение, Тебе слава подобаёт, Отцу и Сыну и Святому Духу, ныне и присно и во веки веков. Аминь.

Господи, помилуй. 12.

Слава, и ныне:

СТИХИРЫ НА СТИХОВНЕ, ГЛАС 4

О пресла́внаго чудесе́! Невере́е ве́ру извѣстную роди́. Рек бо Фома́: а́ще не ви́жду, не иму́ ве́ры. Осяза́в же ре́бра, богосло́вит воплоті́вшагося, Того́жде Сы́на Бо́жия позна́, я́ко пострада́вша плоти́ю, пропове́да воскресе́шаго Бо́га, и возопі́ свѣтлым гла́сом: Господь мой и Бог мой, сла́ва Тебе́.

Стих: Похвали́, Иерусали́ме, Го́спода, хвали́ Бо́га твоего́, Сионе́.

О пресла́внаго чудесе́! Огню́ се́но косну́вшееся спасе́ся вложі́в бо Фома́ во о́гненная ре́бра ру́ку Иису́са Христá Бо́га, не опали́ся осяза́нием. Души́ бо злове́рство преложи́ на благове́рие, те́пле возопі́ от глубины́ душе́вныя: Влады́ка, Ты еси́ и Бог мой, из ме́ртвых Воскреси́й, сла́ва Тебе́.

Стих: Я́ко укрепі́ вере́и врат твои́х, и благослови́ сы́ны твоя́ в тебе́.

О пресла́внаго чудесе́! Иоáнн на пе́рси Сло́ва возлеже́, Фома́ же ре́бра осяза́ти сподо́бися, но ов у́бо отону́ду стра́шно богосло́вия глубо́кое извлече́ смотре́ние, ов же сподо́бися тайнонау́чити нас. Предста́ляет бо показáния я́сно воста́ния Егó, вопи́я: Господь мой и Бог мой, сла́ва Тебе́.

Сла́ва, и ны́не, глас 6:

Человеколю́бче, ве́лие и неприкла́дное мно́жество щедро́т Твои́х, я́ко долготерпе́л еси́, от иуде́й зауша́емь, от апо́стола осяза́емь, и от отме́тающихся Тебе́ мно́гоиспыту́емь, ка́ко воплоті́лся еси́? Ка́ко распя́лся еси́, Безгреше́не? Но вразумі́ ны, я́ко Фому́, вопі́ти Тебе́: Господь мой и Бог мой, сла́ва Тебе́.

Молитва святого Симеона Богоприимца

Ны́не отпу́щаеши раба́ Твоего́, Влады́ко, по глаго́лу Твоему́ с ми́ром: я́ко видеста́ очи мой спасе́ние Твое́, е́же еси́ угото́вал пред лице́м всех люде́й, свет во открове́ние язы́ков, и сла́ву люде́й Твои́х Изра́иля.

Та́же:

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды, и три поклона.**

Сла́ва Отцу́, и Сы́ну, и Свято́му Ду́ху, и ны́не и прі́сно, и во ве́ки веко́в. **Ами́нь.**

Пресвята́я Трои́це, поми́луй нас: Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, поми́луй. **Трижды.**

Сла́ва, и ны́не:

О́тче наш, И́же еси́ на Небесе́х, да святі́тся и́мя Твое́, да при́дет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должни́ком на́шим; и не введи́ нас во искуше́ние, но изба́ви нас от лука́ваго.

Тропа́рь, глас 7:

Запеча́тану грóбу, Живóт от грóба возсия́л еси́, Христé Бóже, и двéрем заключéнным, ученико́м предста́л еси́, всех Воскресéние, дух пра́вый те́ми обновля́я нам, по вели́цей Твое́й мило́сти. Трижды.

От Матфе́я свята́го Ева́нгелия чтéние.

Сла́ва Тебе́, Го́споди, сла́ва Тебе́.

И ЧТЕМ ЕВА́НГЕЛИЕ ВОСКРЕСНОЕ 1-Е:

В то время одиннадцать учеников пошли в Галилею, на гору, куда повелел им Иисус, и, увидев Его, поклонились Ему, а иные усомнились. И приблизившись Иисус сказал им: дана Мне всякая власть на небе и на земле. Итак идите, научите все народы, крестя их во имя Отца и Сына и Святого Духа, уча их соблюдать всё, что Я повелел вам; и вот, Я с вами во все дни до скончания века. Аминь.

Сла́ва Тебе́, Го́споди, сла́ва Тебе́.

Воскресéние Христóво видевше, поклонимся Свято́му Го́споду Иисúсу, еди́ному Безгрéшному. Кресту́ Твоему́ поклоня́емся, Христé, и свято́е Воскресéние Твое́ поём и сла́вим: Ты́ бо еси́ Бог наш, разве Тебе́ ино́го не знаём, имя́ Твое́ имену́ем. Приидите, вси вёрнии, поклонимся свято́му Христóву Воскресéнию: се́ бо при́иде Крестóм ра́дость все́му ми́ру. Всегда́ благословя́ще Го́спода, поём Воскресéние Его́: распя́тие бо претерпéв, сме́ртию смерть разруши́.

Премудрость.

Утверди́, Бóже, святу́ю правосла́вную ве́ру, правосла́вных христиа́н во ве́к ве́ка.

Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богородицу, Тя велича́ем.

Сла́ва, и ны́не: Го́споди, помилуй. **Трижды. Благослови́.**

Отпу́ст

Воскресы́й из ме́ртвых, Христé, и́стинный Бóже наш, моли́твами Пречи́стыя Твое́я Ма́тере, преподо́бных и богоно́сных оте́ц на́ших и всех святы́х, помилуй и спаси́ нас, я́ко Благ и Человеколю́бец. Ами́нь.

Христóс воскресе́ из ме́ртвых, сме́ртию смерть попра́в и су́щим во гробéх живóт дарова́в. Трижды.

Христóс воскресе́!

Воистину́ воскресе́!